

www.BibleForChildren.org



Johane 14



“Mimoyo yenyu isidziyidzike, galanimoyo muNdzimu, mugalemoyo nemundili. Munzi waTate bangu kunan'umba njinji, hapa kwakusakajalo, ndandowhomubudza kuti ndoyenda ndinomubaakanyila bugalo?”



“Hapa ndatjiyenda ndinomubaakanyila bugalo,
ndowhohanduka ndiwhomutola kuti mube nami,
kuyetila kuti pandiyapo mubepo bo.”



Tjinyolotjo ndakaba muMeya, ndikabona
tjigalo tjobumambo kudzimu, kuna umwe
ugele pehhugwi kwatjo.




Ndakawha tjimwe netjimwe tjipuka tjiikudzimu,
netjiimuhango, netjipasi kwehango, netjimukati
kwegungwa nezwinotjila imhomo
zwati, "Kuwunli ugele patjigalo
tjobumambo nekuMwizana,
Ngaalumbidziwe, alemekedziwe,
akudziwe, iye nesimba,
nekusingapele."



Ndakabona nzi-nkulu wakayengemala, Jerusalema tshwa, Ijita libva kudzimu kuNdzimu, lakabaakanyiwa, senlongo wakambalila nohangana nenlume uwe.

Ndakawha whi gulugulu libhuda kudzimu liti, "Linga, bugalo gweNdzimu gwatjiba kubanhu, iye unowhogala pakati kwabo

nayibo
banowhoba
banhu babe,
kakale Ndzimu
tjekukwe unowhoba
nabo, akaba
Ndzimu wabo."



Ntumwa wekudzimu wakakondilakidza gwizi gwevula
yebutjilo, ilimbuyanana yakayengemala segilazi
linobelengela, iwunga ibva mutjigalo tjobumambo
tjeNdzimu netjeMwizana gwakaguwunga napakati
kwemwahha wenzi-nkulu.



Akutohakika kuti kube netjedza tjehuba netjemwedzi munzi-nkulu, ngobe gudzo leNdzimu itjedza tjawo, tjivoneko tjawo iMwizana.




Koga akuna tjinahambgwa tjinowhongina munzi-nkulu iw hoyu, kene iye unothama zwinohemesa kene unoleba manyepwa. Koga kowhongina ibabo bakakwagwa mulukwalo gwebutjilo gweMwizana.




“Unowhobuhika mihodzi yose kumeho abo, kakale lufu nelila kene kuwa, kene gwadziwa akutjowhobayapo, ngobe zwinhu zwickulukugwi zwapinda.”




Kowhoba kusitjina tjakalongwa bhisio munzi-nkulu
iwhoyo. Tjigalo tjebumambo tjeNdzimu netjeMwizana
zowhobe munzi-nkulu, balanda babe banowhunamata.
Banowhobona buso gugwe, zina lile lowhoba
lakakwagwa
pawhuma dzabo.



Ndakabona bafi, bakulu nebatukununu, balimile mbeli kwetjigalo tjebumambo, whalo dzakahhugwa. Kwakahhugwa gumwe lukwalo, gunoba lukwalo gobutjilo. Ndizo bafi bakatongwa kubva muzwinhu zwaka zwakakwagwa muwhalo, kuyendidzana nemihingo yabo. Hapa kuna wakawanika esakakwagwa mulukwalo gobutjilo, iwhoyo wakaposegwa mubibi lemoto.



Meya neNlongo banoti "Ihha." Unowha ngaati "Ihha."
Unanyota ngaahhe, yani nayani unoda ngaatole vula
yebutjilo kusina nlipo.



Ngobe Ndzimu wakada hango
zwingapa, kwekuti wakapila Nkololo
uwe uyega, kuti nhu wose
unogalamoyo muwunli asife koga
abe nebutjilo gusingapele.



BaRoma 3:23 ngentha yekuti wose nhu wakatjinya,
unotayila swikilila gudzo leNdzimu,

BaRoma 6:23 Ngobe mbhayilo wejinyo lufu, koga tjipo
tjempho tjeNdzimu, butjilo gusingapele muna Khirisitu
Yesu He wedu.

BaHhebheru 9:27 Ngobe senhu wose ewhofa kan'ompela,
hule kwayikoko kotobela tongewa,

baEfesu 2:8,9 Nentha yengoni makatjidziwa
nekugalamoyo; koga ikoku akuta nentha yethama kwenyu,
itjipo tjeNdzimu-kusi nentha yemihingo, kuyetila kuti
kusitongobe nenhu unozwikudza.

BaRoma 10:9,10 Hapa ubvuma nenlomo uwo uti, "Yesu
ndiHe," ugalamoyo mumoyo uwo kuti Ndzimu
wakawumusa kubafi, nowhotjidziwa.



Ngobe nemoyo uwo nogalamoyo ukalulamisiwa,
unobvuma nenlomo uwo ukatjidziwa.

Johane 3:16,17 Ngobe Ndzimu wakada hango zwingapa,
kwekuti wapakila Nkololo uwe uyega, kuti nhu wose
unogalamoyo muwunli asife koga abe nebutjilo
gusingapele. Ngobe Ndzimu wakatuma Nkololo muhango,
esingahhile tonga hango, koga kuti hango
itjidziwe muzina lile.

1 Johane 5:11-13 Igogu ndigo busupi, kuti Ndzimu
wakatipa butjilo gusingapele, igogu butjilo gumuNkololo
uwe. UnaNkololo unabutjilo; usina Nkololo weNdzimu
haana butjilo. Ndomukwalila ikoku imwi banogalamoyo
muzina leNkololo weNdzimu, kuyetila kuti muzibe kuti
muna butjilo gusingapele.



Johane 14; 2 Bakorinta 5; Zumbunulo 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kalanga NT (kck) The Word For The World International

<https://www.bible.com/bible/860/GEN.1.KBTP>

©2026 Bible for Children, Inc.

www.M1914.org

www.bibleforchildren.org

